

Mapudungun - Wirin Chillka - Salvation Scriptures

Efesio 2:2 tamün mongelekefel. Eymün ta inaniekefumün tūfachi mapu mew müleyechi dengu, ka femkefumün ñi ayükeel weküfü tati ngünenielu ta rangiñ wenu ka yafültukuniefilu tūfeyechi pu che tati müngeltukenofilu ta Ngünechen.

Matew 6:10 Itrokom che kimpe tami longko ülmenkülen kisu engün mew. Chumngechi müngeltuniengymi wenu mapu, ka femngechi müngeltun mülepe tūfachi mapu mew.

Luka 22:42 Feymew feypi: "Chaw, pifulmi kay, montulafen tūfachi fütra kutrankawün mew. Felekilpe iñche kisu ñi ayuel, welu may eymü tami ayuel."

Juan 16:7-9 Welu feypiken ti rüfngechi dengu: doy kümey ta eymün mew, amutuli ta iñche. Fey amutunofuli, ti Lif Küme Püllü tamün kelluaetew küpalayafuy ñi mülepayael eymün mew. Welu rüf dengu mew amutualu am ta iñche, Fey werküleluwayiñ ti Lif Küme Püllü. 8 Fey tati Lif Küme Püllü kimelafi tati feyentunochi pu che ñi yafkalen engün ka iñche ñi nor piwkengen, Fey Ngünechen tañi ramtukayafiel ta kom che ñi chumngen. 9 Fey yafkaley engün kisu engün am feyentunolu ta iñche mew.

2 Timotew 2:10 Feymew ta afeluvelan itrokom mew femngechi tañi kümelkaafiel Ngünechen tañi dullielchi pu che, ka femngechi ta kisu engün ñi llowael tati fütra kume montuluwün dengu ta Cristo Jesus mew.

Romanu 15:20,21 Welu kuñiwukuwün tañi wewpinoafiel ti werken dengu chew dew wewpingey ta Cristo, femngechi tañi keyükonoael chew ta kangelu ñi dew wewpiel. 21 Femün chumngechi ñi feypilen tati Wirin Chillka: "Tati kimelkenofelchi pu che, kimelngeay ta Ngünechen ñi dengu. Tati allkükenofulu ñi nütramyengen ta Ngünechen, Fey engün ta longkontukuay ta Ngünechen ñi dengu."

Hecho 2:36,37 "Kimpe kom ti Israel trokiñche, ñi rüf feyngen tūfachi dengu: Jesus eymün tamün langümel kürus mew, Ngünechen ta Ñidolkünueyew ka Cristokünueyew." 37 Fey ti pu che trawülüwküleyelu Fey mew, allkülu engün tūfachi dengu, rumeñma pellkey ñi piwke, Feymew ramtufingün ta Pedro ka ti kakelu pu apostol: Pu peñi ka pu lamngen, ¿chem chumaiñ anta iñchiñ?

Ebrew 4:2 Fey iñchiñ ka femngechi kimelngeiñ ti werken montuluwün dengu, chumngechi kimelngey ta kisu engün, welu kisu engün chem mew rume kümelkalaeyew ñi allküfiel mew, llownofilu engün am mupiltun mew.

Jeremia 24:7 - Matew 22:37 Fey feypieyew ta Jesus: "Piwkeyefinge tami Ñidol Ngünechen kom tami piwke mew, kom tami mongen mew, ka kom tami kimün mew."

Hecho 16:14 Kiñe ti pu domo Lidia pingey, tuwlu Tiatira mülechi waria mew neosiakelu rume kumeke fütrake katrún pañu re purpurangelu. Tūfachi domo

püramyekerkefi ta Ngünechen fey allkütulerkey, fey Ñidol Ngünechen kellueyew ñi küme allkütüñmayafile ka ñi müngeltuafiel Pablo tañi nütramkameelchi dengu.

Matew 13:14-16 Femngechi, kisu engün mew ta mupituy tañi piel tati pelon wentru Isaia: “ ‘Tunte allkütuay engün rume, welu ngüneduamlayafi. Tunte adkintuay engün rume, pelayay engün reke. 15 Tañi rakiduam ta tüfachi trokiñche welulkawküley. Ngüdi niey tañi pilun ka umerküley reke engün tañi nge, tañi pepi penoael engün ka ñi allkünoael rume, ka tañi kimnoael rume, tañi wiñotunoael ta iñche mew ka tañi tremolnoafiel engün ta iñche.’ 16 Welu ayuwün nieymün ta eymün, tamün nien mew ta pekechi nge ka allkükechi pilun.

Isaia 6:9,10 - Hecho 28:27 Tañi rakiduam ta tüfachi trokiñche welulkawküley. Ngüdiley reke tañi pilun engün ka tañi nge chem rume penolu reke feley, fey ta famngechi ñi pepi penoael engün ka ñi allkünoael rume, tañi kimentunoael rume, tañi wiñotunoael engün iñche mew, fey ta famngechi iñche tañi wiñoduamatunoafiel ñi yafkan mew.’

Marku 4:11,12 Fey kisu llowdungufi ti pu che: “Eymün kimelngeymün ta Ngünechen ñi longko ülmenngen, tati kimelkenofelchi dengu, welu tati kakelu pu che müleyelu kimeltungekey engün Ngünechen ñi longko ülmenngen re adkünu dengu mew, 12 ‘femngechi ta tunte adkintule rume engün, ñi penoael, ka tunte allkütule rume engün ñi kimnoael, femngechi tañi wiñorakiduamtunoael engün ta Ngünechen mew, fey kisu tañi wiñoduamatunoaetew.’ ”

Juan 12:39,40 Feymew pepi feyentulay engün, fey ka femngechi wirilu am ta Isaia: 40 “Ngünechen umerkünuñmaeyew reke ñi nge engün ka elungelay ñi longkontukuafile ti dengu, femngechi ñi pepi penoael ka ñi pepi kimnoael engün Ngünechen ñi femkeelchi dengu, ka ñi wiñotunoael engün Ngünechen mew, fey Ngünechen tañi mongelnoaetew.”

Romanu 11:7,8 ¿Fey chumngechi örke am? Tati pu israelche llowlay engün tañi ayukeelchi dengu, welu Ngünechen tañi dullielchi pu che, fey engünke ta llowi. Fey kakelu pu che elungelay engün ñi feyentuael. 8 Tañi feypipeel ta rüf dengu tati Wirin Chillka am feypilelu: “Ngünechen ta femkünueyew engün tañi feyentuñmanoafiel ñi dengu. Ka ñi nge elungey ñi trawmaleael reke ka ñi pilun ñi allkünoael.”

2 Tesalonisense 2:10,11 Fey pengelay ka kimeltuay itrofill wesake dengu femngechi tañi ngünenkayafile tati feyentulenochi pu che, pinolu engün am ñi llowafiel tati rüfngechi dengu ka tati montuluwün dengu. 11 Feymew llemay Ngünechen neykümkünueyew tati welulkan dengu ñi ngünenkayaetew femngechi tañi feyentuafiel tati koyla dengu.

Matew 13:18-23 “Fey fewla allkütümün ñi chem pilen tati adkünu dengu ti nganketrinkelu mew: 19 Tati allkülu ti kimelün dengu Ngünechen ñi longko ülmenngen, fey longkontukunofile, tati rüpu mew pachügnagchi fun ketran

reke feley engün. Küpay ta weküfü ka müntuñmatueyew ti küme dengu ngankülelu tañi piwke mew. 20 Tati fún ketran üträfnaglu kurantu mew fey tati allkülu ti kimelün dengu ka llowfulu rume ayüwkülen, 21 welu newe nienolu am folil, rumel newentulekelay. Fey müleyüm wesake dengu kam kutrankaneyüm tañi allkütufiel mew tati küme dengu, aftukey reke ñi mupiltun. 22 Tati fún ketran üträfnaglu rangi troltro, fey tüfa adentuley tati che allkülu tati kimelün dengu, welu tati mülechi welulkawün ta tüfachi mapu mew rume aporianieeyew ka ñi rume küpa rikungeael ngünenkanieeyew. Kom tüfachi dengu ta ekullkefi reke ta tüfachi kimelün dengu ka elulafi ñi wülael fún kisu engün mew. 23 Welu tati fún ketran nganel küme mapu mew, fey tüfa adentuley tati che allkülu tati kimelün dengu ka küme kimfilu, fey rume küme kosecha wülkey. Kiñeke tüfa engün tati longko ketran wüli ta pataka fún kiñe fún mew, kakelu wüli kayu mari fún, fey kangelu wüli küla mari fún.”

2 Korintio 3:15,16 Fey fantepu mew, chillkatifiyüm Moyse tañi wirin dengu, kiñe pañu munulnieñmakeyew engün ñi kimün. 16 Welu kiñe che wiñorakiduamtule ta Cristo mew, fey ti pañu ta nentuñmangetukey.

Osea 11:3-7 - Matew 11:28-30 “Feymew küpamün iñche mew kom eymün tati kansalelu tañi küdaw mew ka fanetulelu, fey iñche ta kansatuluwayiñ. 29 Ayütufimün tati yuku tamün tukuleluwfiel, ka inakintuaymün ta iñche mew, iñche am ñom piwkengelu ka mallmangelan rume, fey ta famngechi kansatuaymün. 30 Iñche ñi yuku tamün tukuleluwfiel fanelay yen mew ka küdawngelay tamün eluwfieldchi dengu” pi.

Hecho 26:18 Werküaeyu ta kisu engün mew tami ngülamafiel ñi femael kümeke dengu femngechi nülañmayafi reke ñi nge engün ñi miyawenoael dumiñ mew, welu may ñi miyawael pelon mew tañi amul ngünekanienoetew engün ta weküfü, ñi inatuafiel engün ta Ngünechen. Ka tañi feyentuael engün ta iñche mew ka femngechi ñi lifngetuael engün ñi yafkan mew ka ñi konpaleael engün Ngünechen tañi lif küme trokiñche mew.’

2 Timotew 2:24-26 Ñidol tañi kona ngelay tañi miyawael ta kewatun dengu mew, welu may müley ñi piwkeyeafiel kom che. Feley ñi küme adümniaeel tañi kimeltuchael ka tañi ngenoafeluwünngeael. 25 Ka feley tañi ngülamafiel ñom piwke mew tati pu wesake piwkengelu, tañi maneluwkületuael ka ñi wiñorakiduamtuael engün ta Ngünechen mew ka ñi kimafiel engün ti rüfngechi dengu, 26 femngechi tañi trepeluwküleael reke engün tañi montuael weküfü tañi koyla ngünen mew tañi püresunieetew reke femngechi tañi chumnoaetew rume ta weküfü taiñ ayülefel.

Apokalipsi 3:17-19 Eymi feypikeymi tami rikungen ka tami rume küme amulen ka chem rume tami duamtunienon, welu ngüneduamlaymi tami wesa chengen, tami rume nien duamtun, pofrengeymi, trawmaleymi ka triltrangküleymi. 18 Feymew ngülamaeyu tami feleael kütral mew liftuelchi oro reke, femngechi tami lif piwkengetuael. Ka ngülamaeyu tami tukutuael ta fulang takuwün fey tami ekullael tami yewenngechi triltrangkülechi kuerpu, ka

tami lawentuael tami nge femngechi tami küme pelotuam. 19 Iñche katrütudungukefiñ ka küme ngülamtukefiñ kom tañi piwkeyenieel. Fey trüftun dingu mew wiñorakiduamtunge ta Ngünechen mew.

2 Korintio 7:10 Kiñe che rüf piwke mew weñangkülen wiñorakiduamtuyüm ñi wesa femkeel mew, fey tüfachi dingu ta tutekeeyew ta Ngünechen, fey ngewelay chem mew no rume tañi wesa duameluwküleael. Welu kiñe che tunte weñangkütullele rume tañi wesa femün mew, welu wiñorakiduamtunole Ngünechen mew, fey ta yafkaley.

1 Reye - 1 Longko Ülmen - 18:37 - Ngünechen turn heart back to Ngünechen.

2 Korintio 4:4 Fey kisu engün am feyentukenolu, fey weküfü ta trawmalnieñmaeyew ñi kimün femngechi tañi adümnoafiel engün Cristo ñi küme dingu. Fey tüfachi küme dingu kiñe alofun pelon reke feley tañi pengelelafetew Cristo tañi Montulchefengen Ngünechen tañi werkuel, fey kisu ta pengeleleiñmew fente küme ñi chumngen ta Ngünechen.

Luka 8:11-15 "Fey tüfa tatey ñi kimeltunieel tati adkünu dingu. Feytichi fun adentuley Ngünechen ñi werkuelchi dingu. 12 Fey ti rüpu mew pachügnagchi fun adentuley ti pu che allkütukelu ti werken dingu. Fey küpakey ta weküfü müntuñmayaetew ti dingu ñi piwke mew, femngechi ñi feyentunoael ka ñi montunoael engün. 13 Fey ti kurantu mew pachügnaglu adentuley tati pu che allkütufilu ti werken dingu ka llowkefilu rume ayüwün mew. Fey nienolu engün am mupiltun, pichiñma müten feyentukey engün, welu mülechi kutrankawün mew, elkünutukefi engün ñi mupiltulen. 14 Fey ti troltrongechi mapu adentuley tüfeychi pu che tati allkütulu ti dingu, welu ñochika amulekey ñi takuetew tati mülechi itrofill küdaw, kam ñi rikungeael fentren chemkün mew, kam ti kawiñ dingu. Fey tüfa ta femkelay chem küme dingu rume. 15 Welu ti fun pachügnaglu ti küme mapu mew, adentuley tati ayükelu ñi küme llowafiel ñi piwke mew ti werken dingu ka ñi müngeltuafiel ka kom yafüluwün mew ñi amuleael. Fey ta wülkey kümeke kosecha."

Hecho 15:11 Welu iñchiñ tati pu judiu, feyentuleiñ taiñ montun re taiñ füreneetew mew müten ta Ñidol Jesus, fey tati pu judiu tuwünngenolka femngechi montuy engün re tañi feyentun mew müten.

Romanu 8:13 Fey mongeelmün ta eymün chumngechi ayükey tati yafkafe pu che, layaymün, welu tati Lif Küme Püllü ñi pepiluwün mew langümfilmün reke tati yafkafe che ñi wesake illutun, nieaymün ta mongen.